

OMUKUETU

No. 7

Julie

1953

EEDULA 83.

Efimbo olo lile neenghono. Neude opua pita eedula 83 ovasuomi votete eshi veuja kOvambo ve va uudifile evangeli. Ondaka jevangeli ja hala okutondokela meumbo keshe momido edi adishe. Keshe tuu a hala oku ji puulikina nokudulika kujo okua mona omhito: Ovahapu va taambula tuu ndele vahapu jo va pilamene.

Ove u li ngahelipi ove ho lesa omikuejo edi. Epasuko eshi shaendela kOvambo pomafiku aa, ole ku pitifile ongaho? Ove ua benuka mepola lalo?

Ovahapu va matula eemuenjo davo ndele va pilamene tuu omapola avo onaale. Osheshi Jesus eshi a tambula ovanamatimba ndele e va tongola komatimba avo e va lombuele alushe: ino njona vaali. Kokutja ino shuna oko ua dja ko. Eendaka da Jesus da uudika komalundu nomahenene. Oda udika momanongelo nomeengerki. Oda uudifua kovatiliane ndele kovalaule. Kape nomunhu ta shiva okutja ame nhgi shi shi. Ngenge omunhu ta mbofokele moheli ota ji mo ouina.

Onena ove u li po to juukilile peni?

Ove ho kenka kOmuene?

Ove ho liamene keulu ndele to teelee sha?

Ovamambo va uudifilua evangeli eedula 83. Omuene kua uudanekele omuduliki keshe Omhepo jaje Ijapuki. Ove ue ji peua nokuli ile to fikama hama-kasha? Kalunga iha mbembeke nando olje. Eshi kua shi uudaneke osho jo sha tua. Ndelene omunhu oje ehi. Uue ua Kalunga eshi ua hovela u ehene pepi omunhu ta facuka po. Kalunga nando a hala e mu hupife omunhu ta tondokele omuene uomulaulu, oje ou te mu kuata te mu mange ndele hauhuunina te mu fingonjona kofingo.

Oshivilo sha missioni tashi danua omafiku momangalo mahapu. Ondaka jevangeli taji uudika vaali Omhepo Ijapuki taji li njenge taji kongo omphito apa ongubu jomuerio ja panunua opo ji pitilile mo. Ngeno eemuenjo dovanhu da euluka ngeno nee oshihomo sha kula tashi uudika ngashi sha uudika mefiku lotete lapentekoste.

Efiku olo la missioni nali ninge efiku una fje hatu li njongamene pefina lomushiakano ua Jesus ndee tu ha popje ashike nomilungu ndele nee tu dame mujje. Omhepo Ijapuki ja hala oku tu endifa. Omujapostoli Paulus kua shangele ovaroma: „Ava avesheta va edifua kOmhepo Ijapuki ovo ovana va Kalunga.“ Odo de tu shangelua jo fjeni atusheni! Edidiliko la tja ngaha hali tongola naa naa nhumbi tu li po. Ofje nave otu li mo tuu movana va Kalunga?

Manja.

OU NA TUU JESUS?

Kalunga kua tu pe omuenjo gualuhe, nomuenjo nguka gualuhe ogua kala mOmuuana. Ongoka e nOmuua gua Kalunga, oje e nomuenjo; ngoka kee nOmuua gua Kalunga, oje no kee nomuenjo.“ 1 Joh. 5:11,12.

Olje ano ngoka kee nOmuua gua Kalunga? Otu shi shi, ope na natango aapagani mboka inaje mu tseja nando. Oja njengua oku mu itaala, oshoka inaje mu uuva. Noshoka kaje na Kristus, onkee jaa netegameno no jaa na Kalunga muujuni. Ojo inaa mona natango omuenjo, ihe oje li momuzizimba gueso.

Ndi shi ngoje ku shi omupagani a tja ngaaka. Jesus Kristus ue mu uuvu oluindji, noohapu de odiindji ou di shi. Ihe natango onda hala oku ku pula: Ou na tuu Jesus? Oue mu hala tuu a kale aluhe pungoje? Oue mu hala tuu a kale omupangeli guoje omunankondo?

Jamue inaa hala. Ope na natango mboka taa ti: „Oohapu doka oonkunkutu, olje ta vulu oku mu pulakena?“ Ihe ngoka ta kandula po Jesus omolu uukukutu uoohapu de aniuu, oje ta kandula po omuenjo gue muene. Oshoka Omuaa Jesus ota ti: „Oohapu doka nde di mu lombela, odo ombepo nodo omuenjo.“

Jamue oje shi itaa pumbua Jesus. Ojo jene sho taa lalakanene uuanaua nuujuuki no ja fa je u na ngaa huepo, onkee itaa pumbua ue omukuaci. Oje shi je na ngeji eha megulu. Eeno, najo uo oja longekidilua mo eha, ihe kaje na mpoka taje li mono, manga taje li kongo ngaaka, Omuaa Jesus ota ti: „Kaku na ngoka te ja ku Tate, okuninga ta pitile mu ngame.“ Palue puua nehupico.

Ope na uo mboka ja hokua shili okupulakena elongo lja Jesus noja kuminua oohapu ndoka dohenda da zi mokana ke. Ihe moku di njanjukilua ohaa dimbua oluindji okuijeleka nado nokulonga shoka je shi lombuelua kOmuua guauo. Ja fa taa pulakenene ashike oojakuauo nokudiladila: „Jaa, nima ngui osho naana e li; ando a pukuluke anof!“

Ihe mokuhalela ngeji oojakuauo eitedululo otaje li ipanga jene, jo itaa cigulula omuenjo gualuhe, oshoka nando je noohapu da Jesus, ojo inaa hala okuninga ja Jesus. Onke kaje mu na uo.

No nando pu kale ngoka i itedulula shili, naje uo ota vulu okukanica Jesus ngoka a li e mu na.

Pamue ua diminua po oondjo doje ku Jesus no ua li popeielela naje, ihe ua zi po isheue mpoka noua shuna miiuinaji mbjoka je ku pukicile. Nena u nokukotoka okukala kuoje kua hugunina kuaa ninge okuuinaji ku vule nkujaka kuotango. Ngele ua mono Jesus, ou nokukala uo puje. Ngashi tatu imbi uo: „Tse na je, epola alihe.“ Kristus je muene no ta ti: „Diginina sigo okusa, ongame no tandi ku pe oshishani shomuenjo.“

Ano u uete ngashingeji, nkene mpaka itapa pulua okutseja kuomomutse nenge etsakaneno ljokacimbo konaale, ihe tapa pulua okukala kuoje akuhe na unene kuongashingeji, ngele u na Jesus ngashingeji e to kala naje sigo pehulilo.

Okukala u na Jesus itaku vulika, manga Jesus kee ku na. Ihe ngele e kumono, sigo u niue kuje ngashingeji, nena nangoje u mu na no u na uujamba itau hulu po no kau shi kutumbulua. Ngashi moteksti jetu mua tiua ashike pafupi: Omuenjo gualuhe. Ihe otu shi shi, moshitja shoka shimue otamu guana oshindji: edimo ljoondjo, oonkondo oompe, enjanju lja jela, ombili na Kalunga naantu, egameno kiiponga, ekuaco muudigu kehe, egumbo ljaaluhe ihali teka sigo aluhe. Ajihe mbino ku na mpo to ji mono, ngele to endele Jesus pombambo. Ihe ajihe mbika ku na uo ngoka te ji ku kuca, ngele u na Jesus je muene, Omuaa omunamuenjo.

Ou mu na tuu?

Ando u uape okujamukula pamue na Paulus: „Ondi mu shi nguka nde mu inekela, no ndi shi shi shili, oje e noonkondo okupungula oshipeua shandje sigo esiku ndjoka.“ 2 Tim. 1:12.

E. J. P.

OKAKOLOLO K A A N O N A

(Etsikilo)

2.

Okangulu nkoka ka peva iihenguti oka mana mbala okutunga, oshoka inaka diginina uunene. Egumbo ljako sho lja pua, oka ji mo noki itelekele uulalelo. No sho ka mana okulja, oka pata posheelo noka ka lala.

Ongula sho ka penduka, oku uuvu eui tali iigida pondje tali ti: „Okangulu, okangulu, pii ndje mo uo!” - „Ongoje olje?” - „Ongame omushinda sho je embungu, nde ja oku ku talela po. Egulula ndje, tu kundacane.” - „Aue, itii ku egululile nande.” - „Ngeje ito egulula ndje, otandi fuda nokufudagula notandi halakanica egumbo ljoje alihe.”

Embungu nolja fuda nokufudagula nolja halakanica po egumbo alihe, oshoka olja tungua niuhenguti ajike. Embungu nolja kuata okangulu nolje ka li.

Esiku lja nofu embungu olja ka talela po okangulu okakuauo nolje ka aada ka mana uo okutunga egumbo ljako ljiihuali. Embungu olja aada posheelo pua patua nolji iigida: „Okangulu, okangulu, piindje mo uo!” - „Ongoje olje?” - „Ongame embungu, omushiinda shoje, nde ja oku ku talela po. Egulula ndje, tu kundacane.” - „Aue, itii ku egulula nande, oshoka ua li okamuameme no ua hala u lje ndje uo. Inda ashikel!” - „Ngele ito egulula ndje, otandi fuda nokufudagula notandi halakanica egumbo ljoje alihe.” Embungu nolja fuda nolja fudagula nolja halakanica po egumbo ljokangulu, oshoka olja li lja tungua niuhuali ajike. Embungu nolja kuata okangulu nolje ka li.

Oshiviike sha landula ko embungu lja ka talela po okangulu okatitatu nolje ka aada ka kuutumba mongulu jako joombaskena. Sho ka mono embungu tali ja, oka pata naua posheelo. Embungu olja aada osheelo sha patua nolja tameke okuiigida: „Okangulu, okangulu, pii ndje mo uo!” - „Aue, itii ku egululile nande, oshoka meme okue tu lombuele a ti, muujuni omu noshilikama oshinene, edina ljasho embungu, li kotokeleni.” - „Aue, aue, ongame omushinda shoje nde ja oku ku talela po. Egulula ano, tu kundacane.” - „Aue, kandi na mpoka tandi ku egululile. Ongoje ua li aamuameme jaali no ua hala u lje ndje uo. Inda ashikel!” - „Ngele ito egulula ndje, otandi fuda nokufudagula notandi halakanica egumbo ljoje alihe.”

Embungu nolja tameke okufudagula. Olja fudagula nolja fudagula, ihe omakuma goombaskena inaga hala okuhalakana. Embungu nolja fudagula natango nonkondo adihe, sigo oshipala shaljo ashije sha tiligana nomahodi ga tondoka poompanda daljo. Ihe nando olja fudagula nolja fudagula nolja fudagula, ae-e, egumbo ljokangulu inali injenga nande. Navulua embungu inali uapa ue okutsikila, ihe olja shuna kegumbo lja sohoni.

3.

Esiku lja nofu embungu olja galuka nolja aada isheue ongulu ja patua. Olja popica okangulu e tali ti: „Mushiinda.” - „Munene.” - „Ou li po tuu?” - „Ee.” - „Ou li po tuu naua?” - „Ee, iihuepo tuu.” - „Ito ja tu je koshilando ongula?” - „Oku na shike ano?” - „Oku nondando ji niipindi iuanaua shili. Ando ndi ku pitule mpaka potundi ontihetatu ongula, ando otatu ka landa shili naua.” - „Ee.” - „Uhala po ano naua.” - „Eua, Ku uhale po naua.”

Ihe esiku lja nofu okangulu ka cikama potundi ontihamano noka ji koshilando. Oka landa ajihe mbjoka ke ji pumbua noka galuka, manga otundi ontihetatu inaji cikana natango.

Potundi ontihetatu embungu olje ja ihe. „Okangulu, okangulu, oua lala po tuu?” - „Ee.” - „Oua lala po tuu naua?” - „Ee.” - „Natu je ano?” - „Aue, opo nda aadika nda galuka. Inda nga naua u ka lande mbjoka ue ji pumbua.” Embungu nolja li li nokuja alike.

Oshiviike sha landula ko embungu olje ja isheue okutsejicila okangulu ondando ji li moshilando. Olja ti: „Ope niinima iuanaua shili. Andija ndi ku pitule mpano ongula potundi ontihamano.” Okangulu noka fa ka zimine.

Ihe ongula sho je ja, okangulu oka meneka potundi ontine noka ka landa ajihe ke ji pumbua. Osho ngeji

ka landa uo ondjupa onene. mokugaluka ondjupa ndjoka je ka dike naji. Sho ka ciki kondundu jimue popepi negumbo, oka mono kokule embungu tali ja nokuli nondjila tuu ndjoka. Okangulu oka haluka noonkondo, no sho inaka mona eha lilue ljokuholama, oka hiti mondjupa ndjono onene. Nena ondjupa oja tameke okugalangata ju uuka kesilu luo kegumbo ja landula naanaa ondjila.

Embungu mokuenda olju uuvu ekolokoto nokuligamena olja mono enima tali ja mondjila kali na ngoka te li hingi. Olja haluka noonkondo, lja nuka mo mondjila nolja ji ontuku sigo kaandjauo.

Momutenja olje ja ihe okupula okangulu nkoka ka jile, sho inali ka aada kegumbo ongulangula. Okangulu oka ti: „Nani, inatu monacana, nando nde ku tsakaneka naanaa mondjila. Ihe ngoje ua fa ua li u neulumo unene, shoka ino tegelela ndje tu popje, ihe ua matukile mokuti.”

Embungu sho lju uuvu oohapu doka nolja dimbulula, nkene okangulu ke li kotokele isheue, olja gee noonkondo nolja tameke okulonda kondunda jongulu li konge ompito moluungu. Ihe okangulu oke endebele kesiga, oka hohele mo iikuni ojindji noka tula po ombiga onene ji nomeja ge li pokufuluka, ano embungu sho lja nukile mo moluungu, okangulu oka kuca po oshisiikilo shombiga, embungu nolja mbolokotele mombiga. Mbalambala okangulu ka shunicife ko oshisiikilo noke shi diginine, sigo ku uuvite embungu lja sile mo mombiga.

Okuza kesiku ndjoka kakua li ue ngoka a jelekele okuningila okangulu uuinaji ua sha, ihe oka kala nombili mongulu jako ke ji itungile.

OMULONGI ONGOMUJAKULI GUEGONGALO.

MOuambo omu na oskola taji putudile aantu muulongi. Shono tashi lalakanenua moskola ndjika notashi tegelelua shi holoke momuntu ngono ta piti mo, osho tuu shika, a monike ongomujakuli guegongalo, omoshilonga sha Kalunga.

Ngiika to ti: „Omulongi ota vulu ngiini okukala omujakuli guegongalo, nando egongalo oli na omujakuli gualjo, omusita nenge omuhongi?” Aue, omukuetu, hangaaka. Omulongi uo oha jakula megongalo, nando kee cike pamue nomusita. Ngele ihe shi nigi, shila okua njengua, nenge ndi tje nokuli, okua puka. Ihe ngoka ina njengua no ina puka, ohe shi ningi. Mpano nda hala ndi tumbule iilonga je jajakulo megongalo.

Aanona sho taa longua komulongi oohapu da Kalunga noku ja tsejicila uuanaua nuutoje uado, no sho uo onda hala ndi shi jalulile mejakulo ljegongalo. Omulongi oku na uo olufo luokuuvica mongerki, ngele aauvici ojendji. Ihe unene ta tegelua a uvice momikunda, unene tuu momikunda guauo okuninga oandaha ja uucua mesiku ljontumba. Nasho uo ejakulo enene.

Omulongi omuinekelua ota vulu uo okucigilua oshimpuju shegongalo pamue naakuluntu jaljo, ngele omusita a zi po. Osho uo oku na aluhe oshimpuju okutonatela egongalo noku li galikanena, nando shika ohashi ningua ngaa kaakriste ojendji. Moshigongi shegongalo kehe omulongi ta kala mo, uuna e na ecimbo. Moonkundacana uo degongalo omulongi ta tegelelua mo a jamukule oohapu du uka di noondunge nodi shi kuinekelua.

Miilonga jegongalo, ngashi okutunga ondjugo jontumba, omulongi uo oha kala po, ngele kape na shoka tashi mu imbi okuja ko. Jamue ojendji ohaa ningi nokuli aauliki miilonga mbjoka jetungo. Onke otatu ja pandulile ejakulo ndika li cike mpaka.

Ngele ku na omukuanegongalo gumue e na sha tashi mu ehameke komuenjo, nenge oohapu dontumba, ihe omusita guegongalo kee po, ina indikua okuja pomulongi omuinekelua e mu hokololele shoka e shi na. Opo ne ajehe ja kale megahkano, Omuaa note ja uvu. Onke ano tatu ti, omulongi naje uo omujakuli shili megongalo. Otatu halele aalongi jetu jomOuambo ejambeko lja Kalunga, e ja pe oonkondo nehala euanaua okujakula moshilonga shika she oshinene noshijapuki.

Mpaka nda hala ndi ku pule ngoje omukuanegongalo omukuetu, oho diladila uo tuu okukala moshi-

longa sha tia ngeji, shejakulo megongalo? Unene tuu ngoje omugundjuka, oue shi hala tuu? Ano mungoje ngele mu na ediladilo lja tja ngeji, Omua ne li koleke je e ku pe oonkondo oku li guanica. Oshoka naje uo ote ku tegelele nenjanju, u putudilue oshilonga shika she. Mu galikana ano e ku taambe mo.

Ihe mpaka nda hala ndi ku tseicile kutja moshilonga shika otamu kalua ngi ni. Oshilonga shika oshidigu shili palutu nduka luetu kombanda jevi. Onke to tegelelua u kale ua manguluka shili mu ajihe jombanda jevi, ano jomuujuni mbuka, mbjoka taji pukica, ngi kale omunambili nomunamutimahenda, omulumentu u nomadiladilo omauanaua, uaa shi omugeentu. To tegelelua u kale u shi kujakula naua aajenda megumbo ljoje, oshoka ngele to njengua okujakula megumbo ljoje muene, oto vulu ngiini okujakula egongalo lja Kalunga enene.

Kala nokuputuda naua oluvalo luoje naalelua ajehe megumbo ljoje. Unene aanongekua joje ja putuda nombili noku ja hoola. Ino pitika nando uuntsa mungoje u je mo, ngele u uete to simanekua. Ngele ongaaka, nena oto pundukile mepuko. Simaneka aakuluntu ajehe nokuvulika kujo pamukalo gu uka. Onakupuka mu pukulula nombili, ha nokuganda, uaje kukutike ngaaka, aue.

Omukuetu, ope na ihe oshinima shimue shi na oshiponga, nande pe na ngaa jamue taje shi popile naua aniaua kashi noshiponga, osho iikolica. Jamue taje shi popile ojo aalongi nokuli. Ihe omkuetu ngoje, ngele ua hal shili okuopalela oshilonga shika shejakulo, Kalunga ne ku kuace shili uaa kale omupika guikolica. Osho oopala shili ando ui idilike nokuli okunua omalovu. Ngiika to ti: „Otandi nu ngaa kashona, ihe itandi kolua.“ Eeno ngiika, pamue ito kolua, ihe ope na omukuanegongalo ngoka ha nu e ta kolua. Akutu, ope nuudigu shili kungoje oku mu pukulula, oshoka ku na ue oonkondo oku mu ganda. Nena oshilonga shoje shejakulo oshi li ihe peni?

Nenge u shi Kalunga te ku panda ouala sho ho jakula minima jimue, ngoje jimue taji ku njenge ouina? Aue, ha ngaaka. Tala, ngele ua dina omalovu, kala u shi shi kutja satana ota vulu oku ku kuata kondungu jomunue, momalovu. Navulua te ku kuata kokuooko nosho uo olutu aluhe, omiikolica tuu mbjoka ngele iho ji tila. Onkee ano kotoka uaa dane najo.

Omukuetu, ajihe mbika ha koonkondo doje nenge koonduge doje muene to ji vulu, aue. Ajihe mbika ji indila ku ngoka a peua epangelo alihe, omegulu nokombanda jevi alihe. Oje Jesus Kristus, omuene guomagongalo. Oje tau ngoka he tu jakula esiku kehe nohe tu lelele mesilohenda nomohoole.

Tate omujapuki, Kalunga katatukamue. Otatu ku hambelelele uanaua uoje u cike mpaka ue u tu longele, sho ho tu tumine aajakuli moshilonga shika shoje oshijapuki. Onke tatu ku hambelelele noku ku indila, ngoje muene u hogolole mboka taa jakula nokutonatela oshilonga shika. Amen.

Immanuel Filippus.

OTO HUPICA TUU OMUENJO GUOJE MOONKONDO DOSHAASI.

Openi pu na ngoka ta kala e nomuenjo no ita mono eso, a hupice ando omuenjo gue moonkondo doshaasi? Oljo elaka tua li tue li kundacana naamati aauambo je li mu Walvisbay. Ojendji oja li ja dimbulula, ojo kaje noonkondo oku hupica oomuenjo dauo, gumue ngoka e noonkondo oKristus. Onke aamati ojendji ja kuatua keulondjo. Oja cikama noja hokolola shoka ja cigi ja ninga kOuambo nosho ja mono enjanju molu edimopo ljoondjo je li mono.

Ngame molu unnkundi uandje oja li ja kongo ndje, opo ndi je kokomboni jauo. Nando nda li ndu uculua omasiku gatatu ndi kale ko, omoluauo onda kala ko nokuli oshivike shu uda. Kalunga na hambelele, shoka e tu pa Ombepo je omuuliki nomupukululi. Osho keuiliko ljomuntu muene ajihe otaji jo-

nuka. Oonkondo doka detu itadi vulu sha nosho uujuuki uetu jene itau tu hupica. Aakuetu ne mu Jesus Kristus, unene tuu ooitaali, dimbulukueni oshinima shi, aamati je li mehalakano otaa pubmua shili okugalikanenua. Inatu ja dimbueni po. Oluindji otu na omadiladilo ngoka kutja: Osho haa ningi ngele je li hoka. Aue, inashi kala ngaaka, oshoka omupsalmi ota ti: „Ngu icane ndje esiku ljuudigu uoje, ongame no tandi ku hupica, ongoje e to simaneke ndje.“ Ep. 50:15. Ep. 86:7.

Aamati ne mu li mevi ljuushimba, tamu guanica omahalo geni agehe gomutondi, sho muua uetike mua ti, opo sho tamu ja mOuambo mua ningi aakriste. Tonateni shili oshoka nando kamu uetike komuntu ngashika mua ti, oku na gumue ngoka ha mono apehe, sigo momuenjo guoje mui. Oto vulu tuu oku mu holama? 1 Pet. 5:6. Aamuameme ne, oshili haljo ehalo lja Tate Kalunga ku ka kane nando gumue, aue, ajehe ja hupe Heb.4:16.

S. S. Iteua.

OMUDIMIPO GUOONDJO ADIHE.

Ondjila jomeulu otai endiua shili noudju uhapu. Efiku limue onda hanga ovalumentu tava sheke edimopo lomatimba. Vati kape na omuntu ta dula okudima po omatimba. Ame onda tja, heeno osho, ndelene oJesus ajeke ta dula okudima po omatimba omuntu. Ino diladila omuntu oje ta dula okudima po omatimba, ndelene okuinjila pamue efilonkenda la Kalunga, opo Kalunga a shive ku a dima po molu efilonkenda. 1 Joh. 1: 9. Eshi nda popja ngaha, ave she ova hauluka nge, inava hala okuitavela. Opa filala umue auke.

Ou okua tja: „Ovahongi otava tongo ashike oipupulu.“ Ame onde mu pula: Oshike hano ua shashelua, omeva meendobe kae mo? Ndishi eshi ue uja kuvo, omolu edalululo.“ Omeva ongaho itae shi dula, ndelene eendjovo da Kalunga, edi di li po da kuatelelua mumue nomeva neitavelo. Omukuetu itavela, ino anja vali. Ou okua tja: „Tamu tu shendjeleke. Ame onda tja: „Eendjovo odo hai popi, kadi shi dange, ndelene oda Kalunga, je Kalunga oha denge ovantu. Omukuetu kala oupafi, ino dina elihokololo lomatimba. Jesus ota ti: „Tambuleni Ompepo Ijapuki, ovo tamu dimine po omatimba ovo ove va diminua po jo nomeulu. Nava tamu efa va kale nao, ota va kala nao.“ Joh. 20:22-23.

K. G. Haluodi.

LUMUE ALUKE NOKUA SI.

Nguka okua si inaa laleka, okua si ombadilila. Omuhona gumue a adika ha longo molutenda, okua adika ta longo moongodi dolusheno. Manga ta longo, nani huijaka kua za oongodi dolusheno okua patulua, nokangodi okashona oke mu fike. Opo mpoka olusheno lua fala oonkondo daluo komutima gue, ina popja sha, okua si ouala. Okua li a londa koshiti i imangela ko nomija.

Omutiligane gumue a matuka nokua kujele ongodu miilongo opateri ji dimue, oshoka ngele itaji dimua, kape na ngoka ta ji ko oku mu kuaca. Omundohtora sho e ja po, okua ti, kape na ue ekuaco, oshoka omutu a si nale. Aantu ojendji ja gongala noje mu tala, nkene e li moomposi deso. Omulumentu nguka okua zile ku London nokua adika a longo oomuedi mbali adike mu Usakos. Ku London oko a li a cigi ko omukulukadi gue nojana.

Aatiligane ojendji ja gongala pokukuca ko omudimba gue koshiti. Elaka lja tumua mbala li ka ade nekulu nolualo. Nando omukulukadi kua li u uvite oluhodi, okui indile epitikilo kaapangeli jilongo, omudimba gu tulue omi gu kukute guaa ole, guo gu londekue meshina ljolutenda sigo mu Oos London,

Osho tua uvu ehokololo ljeso ljomulumentu nguka inaa laleka. Otse nangoje otatu ka sa eso lja tja ngiini? Pamue tatu adika inaatu ilongekida? Konga Omua manga e li po, miilonga joje u kale u na Jesus.

S. A. Alfred.

OMBIBELI NKENE JA CIKI MU TIBET.

Tibet osho oshilongo shokoondundu da Himalaja, moka aantu otaa longele iimenka naacici, no sigo nena aatumua juukriste inaa ziminua okuja mo. Eci-mbo aahongi jotango je ja kOuambo, mu Tibet mua dipagelua omuene guoshilongo. Elenga limue enene lja tiua lje mu dipaga aniuu, oje a ji ontuku kiilongo.

Esiku limue aahongi ju uka koshilongo sha Mongolia oji itsu kelenga ndjo. Elenga nguja okua li a hokua okutseja omalaka gaakuiilongo, naahongi je mu kalele sigo oja lundulula naje Evangeli pa Johannes melaka lja Tibet.

Aahongi ja tsikile nondjila jauo, nelenga lja cigala po ongomusimaneki guimenka, noombapila di nelundululo ljevangeli da fa da dimbiua po.

Ihe oombapila ha toolua komumati e nomvula 12. Oje e di leshe, no de mu kuata komuenjo, ihe oje ita vulu oku di hokololela nando omuntu. Kombanda jomimvo ntano he okua si, nomumati okua tembukile koshilongo sha India, moka a mono ompito oku ja moskola jaakriste. Oko a longua sigo ota ningi ondoktor guokupanga aavu. Oko a tameke uo okulundulula Ombibeli ajihe melaka lja Tibet. Oshilonga shino she mu pula omimvo 20. Elundululo lje lja tumua ku London. Lja konekua no lja monika euanaua. Ihe nena iita juujuni mbika ja hugunina ja tameke. Embo ljomelaka lja Tibet kali shi ku njanjangidua ue mu England, shila mu India.

Ondoktora muene ta hogolola oondanda dembo lje moshinjangidido shomu India. Ihe embo sho lja pua kunjantangidua, pua monika, nani omapandja gamue ga vundakana moshinjangidido.

Ondoktor a adika a shuna ku Tibet. Oje ota tuminua elaka a njolulule omapandja ngejaka. Oje okue shi ningi, nokue ga tumu moposa. Ompunda joposa sho ja li popepi nokucika koshilando shi noshinjangidido oja lokua, noposa ajihe ja jonuka po.

Omulundululo guOmbibeli a adika kuuvu, nokua man'oondjenda de, ihe omukuaci gue moshilonga shokulundulula Ombibeli a cikama mu Tibet a cike ku India koshilando shoshinjangidido a oopalekele ko omapandja ngejaka ga jonuka po. Ihe mu India mu niilongo ojindji, na jimue jomondjila je ja adika taji kondjicacana. Oje mu shunica, je ina uapa okupita. sho kua jelekele lutijaali, a talua ongondaadi nokua kuatua a talua mondolongo. Sho a mangeluka mondolongo, a jelekele lutitatu, nokua ciki sigo mpoka tapu kondjelua, ihe ina pitikua okukonda po mpoka. A mono ompito okutuma ko ombirive, naanjanjangididi jOmbibeli ja tumu ko omutumua guauo e ke mu kuace noku mu iila, ihe naje uo ina pitikua okukonda ekondjelo. Oje okua tameke okuleshela aakuiita aapagani jokombinga je Ombibeli. Ojo ja kuatua kohokue oku ji pulakena. Sho kue ja hokololele kutja kombanda jonkondjelo oku nomuntu e nelundululo ljeOmbibeli melaka lja Tibet, nena aakuiita je mu zimine e ke mu iile ko.

Sho je ande pamue, oja kuatua natango kaalangeli jondjila, ja talua ongandaadi. Omupolisi sho kue ja pula, ojo ja tumua kulje, no taa ndaadele olje, ojo oja jamukula:

„Tse otua tumua kOmua guegulu no guevi.“ Omupolisi inu uva nale Omua a tja ngaaka, na sho ina lombuelua a kuate aantu je, oje okue ja mangelula nokue ja zimine ja tsikile ondjila jauo.

Sho ja ciki koshinjangidido, omo mua longua iivike ijaali uusiku nomutenja, no sho pua piti iivike itatu, Ombibeli ja holoka melaka lja Tibet. Omambo oga falelua popepi nongamba ja Tibet. Omukriste gumue guomu India e ga tutile mu Tibet, no e ga topolele aantu, nomahokololo otaga ti, ngashingeji no mu Tibet omu naantu ja tameke okulesha oohapu domuenjo je di peua ngeji.

Oje tuu nguka ta vulu okuguanica nokuguedela po oshindji no pu mbjoka hatu ji indile no tu ji shi opankondo doka tadi longo mutse, oje na simanekue megongalo no mu Kristus Jesus komalualo nomalualo agehe aluhe sigo aluhe. Ef. 3:20-21.

ONDI NOKUKULA NGAHELIPi MOUKRISTE?

Kepulo eli hatu mono omanjamukulo taa di mo-vanjamukuli vatatu.

Omunjamakuli uotete ta tameke okunjamukula epulo eli ta ti: „Membo limue nda leshele, omua njolua ngaha: „Lidilululeni nje mu itavele evangeli. Nomevangeli tuu omo, omu na ehalo la muene uoshilonga.“

Omupuli ta pula natango: „Evangeli olo oshike?“ Omunjamakuli ta njamakula natango: „Opo tu monc efatulo, tu taleni ntumbi eendjovo da Kalunga tadi tougo evangeli. Evangeli olo eli: Lidilululeni, ouhamba ua Kalunga ua ehena popepi. Kalunga oje Tate, fje ovana vaje. Jesus Kristus oje Omukulili uetu, omolua je hatu fjuulula ouhamba ua Kalunga Omomatumbulo aa tamu monika evangeli lovene.“

Omunjamakuli omutivali ta tameke okupopja. „Evangeli olo alike itali eta natango ekulo moukriste, okuninga pe na eitavelo.“ „Oihuna oi fike peni! Eitavelo oshike vali?“- „O, moukriste hano ou uja mo ngahelipi, neitavelo olo uhe shi?“ Osho omunjamakuli a pula nonkumue.

„Eitavelo olo einekelo nelijandjo lokomuenjo, okuinekela eshi uhe shi uete nomesho okomutue, ndele tashi monika nomesho eitavelo. Meitavelo tamu monika jo oilonga.“ Omupuli ta pula: „Oilonga jomeitavelo oi li ngahelipi?“

Oilonga oi li po ihapu. Ohai tumbula po imue jomujo ojo ei: ohoole, efimaneko, ejakulo nouidiinini. „Ngenge ua hala okukula moukriste longa ngaho.“

Omunjamakuli omutitatu ta tameke oshilonga shaje ta ti: „Heeno, osho shili tashi pumbiua ngashi vakuetu va popja. Ndele onda hala ndi tje: „Inashi uana natango. Opo u kale moukriste oto pumbua natango u kale omuilikani.“

Tela, oihuna oi fike peni, eilikano oshike vali?“ Osho omupuli a njamakula nomalimbililo a ku'ua.

Omunjamakuli a fa a teka omukumo, nota pula: „Moukriste oua kala mo efimbo li fike peni?“

Omupuli ta njamakula: „Oule ueedula omulongo.“ „Nani otashi dulika omuntu a kale moukriste oule ueedula di fike ope, ndele ke shi shi natango kutja eilikano oshike?“ Puilikina hano naua, eilikano olo okuendafana na Kalunga.“

Omupuli ta pula natango: „Kalunga ndi shi oku li meulu, oto dulu okuendafana naje ngahelipi?“

Omunjamakuli ta ti: „Heeno, Kalunga oku li meulu, ndele oku na jo eendafano novaitaveli ayeshe kombada jedu meilikano. Hano kala omuilikani ope u kulikue moukriste uoje.“

Osho ngaha okepulo tuu eli: „Ondi nokukula ngahelipi moukriste?“ nda mona omanjamukulo aa: Elidilululo, eitavelo neilikano. Josafat Petrus.

AUGUSTUS.

(Etatameko lja Auguste li li moshifo sha Juni.)

1 John. 1:8-2:2. Mat. 23:1-12. Dan. 9:15-19.

16 S. Os. 11 jalandula Uukuatatu.

17 M. Mark. 9:33-37. Iil. 21:1-14.

18 D. 1 Sam. 17:40-51. Iil. 21:15-26.

19 W. Hes. 17:22-24. Iil. 21:27-40.

20 Do. Jona 3. Iil. 22:1-16.

21 V. Gal. 1:11-24. Iil. 22:17-21.

22 Sa. Ef. 2:1-7. Iil. 22:22-30. Jes. 29:18-21.

1 Kor. 2:1-11. Joh. 2:12-25. 1 Sam. 3:1-10.

23 S. Os. 12 ja landula Uukuatatu.

24 M. Fil. 1:21-28. Iil. 23:12-35.

25 D. 2 Aakuan. 20:1-7. Iil. 24:1-21.

26 W. Jak. 5:13-18. Iil. 24:22-27.

27 Do. Mat. 9:35-38. Iil. 2:5 1:12.

28 V. Mark. 5:22-43. Iil. 25:13-27.

29 Sa. Jes. 35:5-10. Iil. 26:1-11. Sak. 7:4-10.

1Tim. 1:12-17. Mat. 11:25-30. 1Mos.50:15-21.

30 S. Os 13 ja landula Uukuatatu.

31 M. Jak. 2:1-13. Iil. 26:24-32.